



Untuk Terbitan Media
20 Mac 2024

SIARAN MEDIA

51 AHLI LEMBAGA PERKESO LAFAZ IKRAR INTEGRITI PERANGI RASUAH

KUALA LUMPUR: Seramai 51 orang Ahli Lembaga dan Ahli Jawatankuasa Lembaga Pertubuhan Keselamatan Sosial (PERKESO) melafazkan Ikrar Bebas Rasuah (IBR) dalam program IBR bersama Suruhanjaya Pencegahan Rasuah Malaysia (SPRM) pada hari ini di Menara PERKESO Putrajaya.

Menurut Pengerusi Lembaga PERKESO, Dato' Sri Subahan Kamal memaklumkan, PERKESO sentiasa komited dalam memastikan tatakelola organisasi berada pada tahap yang tinggi bagi memikul amanah dengan penuh tanggungjawab, telus dan holistik.

Langkah ini dilaksanakan sejajar dengan kenyataan media Menteri Sumber Manusia, Steven Sim Chee Keong pada 7 Januari lalu yang menyatakan semua jabatan dan agensi di bawah Kementerian Sumber Manusia (KESUMA) akan menggunakan panduan dan standard Sistem Pengurusan Antirasuah (ABMS) bagi mengukuhkan tadbir urus serta mengenal pasti risiko dan salah guna kuasa.

Dato' Sri Subahan juga memberitahu, sebagai agensi yang telah dipersijilkan ABMS sejak tahun 2021, inisiatif Ikrar Bebas Rasuah yang dilaksanakan ini merupakan satu lagi langkah kawalan antirasuah di bawah pelaksanaan dan keperluan ABMS.

"Pelaksanaan program ini memberi tumpuan kepada pengukuhan nilai integriti dalam setiap aspek dengan menitikberatkan akauntabiliti, ketelusan, dan etika kerja yang baik bagi menjadikan PERKESO sebuah organisasi MADANI.

”Terdahulu, PERKESO telah menerima Anugerah Emas Integriti, Governans dan Anti-Rasuah (AIGA) 2023 hasil daripada inisiatif konsisten dalam menyemak Standard Operating Procedure (SOP) bagi memastikan risiko rasuah dalam proses kerja ditangani dengan penambahbaikan kepada kawalan dalaman sedia ada dengan membangunkan Daftar Risiko Rasuah,” jelas beliau lagi.

Pengerusi Lembaga PERKESO, Dato’ Sri Subahan Kamal menandatangani Ikrar Bebas Rasuah Lembaga PERKESO 2024 sambil disaksikan oleh Ketua Pesuruhjaya SPRM, Tan Sri Dato’ Sri Haji Azam Baki, Timbalan Ketua Setiausaha (Operasi) KESUMA, Dato’ Hajah Norison Ramli dan Ketua Pegawai Eksekutif Kumpulan PERKESO, Dato’ Sri Mohammed Azman Aziz Mohammed.

Tamat

###

Mengenai PERKESO

PERKESO, agensi Kerajaan yang menyediakan perlindungan sosial kepada pekerja swasta, Badan Berkanun/Kerajaan, bekerja sendiri dan suri rumah serta tanggungannya daripada keadaan luar jangka. Ia merangkumi kemalangan, hilang upaya, penyakit, kematian dan kehilangan pekerjaan. Perlindungan ini berkonsepkan insurans sosial dengan prinsip ‘Prihatin’ dan *‘leaves no one behind’*. PERKESO beroperasi di 54 Pejabat, 5 Pusat Rehabilitasi dan 293 MYFutureJobs One Stop Center di Malaysia. Layari www.perkeso.gov.my atau hubungi Pusat Khidmat Pelanggan 1300 22 8000.

Dikeluarkan oleh:

**Bahagian Komunikasi dan Hal Ehwal Korporat
20 Mac 2024**

Untuk pertanyaan media, sila hubungi:

Mohd Wazid Zaidon

+6017-619 3181

wazid.zaidon@perkeso.gov.my